

شخصيات من قرية مجهولة

أشعار بالعامية المصرية

أحمد أبو سمره



رئيس مجلس الإدارة
د. أحمد نوار
رئيس الإقليم
سامية فياض
مدير الفرع
أحمد عميره

مدير التحرير
كامل عيد رمضان
لجنة الاجازة
كامل عيد رمضان
محمد مد الراوى
على المنجى
المتابعة الإدارية
هنية ياشا محمد
أميره خليل

• شخصيات من قرية مجهولة
• أحمد أبو سمره
• الطبعة الأولى:
الهيئة العامة لقصور الثقافة
إقليم القناة وسيناء
2007 م
• تصميم الغلاف: د. خالد سرور
• رقم الإيداع: ٢٠٠٧/١٤١٦١
• الترخيم الدولي: 977-437-383-9
• المراسلات:
إقليم القناة وسيناء
٦ ش عدلى والجيش بالاسماعيلية
بريد: ٤١٥١١، ت.ع. ٠٦٤/٣٩٢٢٦١٢
• الطباعة والتنقيط:
شركة الأمل للطباعة والنشر
ت. 3904096

الآراء الواردة في هذا الكتاب لا تعبر بالضرورة عن توجه الهيئة
بل تعبر عن رأى وتوجه المؤلف في المقام الأول.

شخصيات من قرية مجهولة

شخصيات من قرية مجهولة

إهداء

إلى كل الشخصيات التي علمتني الخير
إلى قريتي جبلاية الفار
إلى أبويا إبراهيم أبو سمره
إلى أمي بنت أبو عز الدين
جواهر في زمن القلصو
حبي وتقديرى

أحمد أبو سمره

السويس في يونيو ٢٠٠٢

التقديم

بقلم الشاعر / كامل عيد رمضان

عندما نرى هذه القصيدة للشيخ هذا الديوان « شخصيات من قرية مجهولة »
كما أن شعر القصيرين أمثال القصيرين على الميثاق العام الشعر أحمد أو مصرعة
والنظم الذي الخلاص الذي انطوى له لنفسه - ورجع هذا أمراً قديماً بداية
أنه لما دلت بهر التعمير المصروف والشعر المرسل من العامة ، متجالة تلكه
ولم يوضوئها ، فليست القليل المرحى ، أم الخافية والوزن بها القليل
يعدنا الشعر النجاشي المصروف ، وكذا ما دلت الشعر ، كذا المصروف والخطاب
والقوانين التي يقع منها ، بل والشعر الذي يقع منها هذا الشعر
نفسه ، هي التي أمهت تلعب دوراً جاداً عن تقدير الشعر
أو انطوائه ، وهذا ثم من طبع الشعر أم المصروف في هذه المصروف المصروف
أصبح للمادة وقد أخذت صورة قديمة تنبع من طبعها ... هذا هو
شعرنا به عند قراءة الديوان « شخصيات من قرية مجهولة » للشاعر أحمد
أبو صرة ، ذلك أن أمهت أمهت تيار واحد يسود ألوان الشعر جميعاً
سواء الشعر المصروف والشعر المرسل من المصروف ، وأيضاً الشعر النجاشي
(شعر العاقبة) - وهذا التيار الواحد الذي يربط هذه اللحن جميعاً
هو التيار الوحيد الذي يربط بين الشعر والشعر ، وفي ذلك أمر
التمهيدية من نيل شاعر حزين بلحن المتعارف عليه للشعر ، وتذكرنا
الرسالة التي يستعملها الشاعر لإدراك هذا التيار الواحد الذي أشارنا
لنقلها وسجلنا عاماً ، وبذلك يظن الواحد هو المصروف الأساسية للشعر
في هذا الزمان ، مهما تروى لغيرهم بين الإحاطة والإحاطة وهو من شعرنا
لقد قصيدة هذه المقدمة - أنه أو شعراً صافية هذا الديوان الذي
أنا بصدد تقديم هذه الدراسة عنه خصوصاً ما أنه شاعرنا اتصال برحلات
المصروف فأخذنا أنبدأ إلى مجتمع الذي عاش في الحولة وشبابه ، يظن
منه من الصلوات ويتعلم الحياة من أمتان المرق المصروف ، وهذا المصروف
وهو شعري موحى من هؤلاء المصروفين ، المصروفين بأهل القليل من المصروف
والسواء - رغم ذلك - بل هو شعر .

إن عالم أحمد أبو صرة الذي قدمه في هذا الديوان هو عالم أبل
لدي وقرب إلى حشوت المصروف من قبله ... هذا العالم لم يكن هو المصروف
وما تخبره من بنيانها أو حشوت تقيم الحاشية ، بل إنما لاقت المصروف
الطاهرة على سماته ومثله ، بل إن الحشوت بذلك شعر المصروف المصروف

لهذا العالم سر تفرداته وأقواله ، وما أدركه من قيم وهو في نفس الشاعر
ألمومعة .. وسر هذا يحلها أنه ليستخلص من هذا الشاعر الأصيل ، تلك
وهي اللذة والتمتع والتفرد مع هذا المجمع والمزج فيه ، وذلك سر هذا
تسعى شخصيات متباينة المهن والمقامات ، إلا أنها جميعا تلحق في سمة
واحدة تلهمها الحب والتفاني.

هذه الشخصيات هي الجزء الرئيسي الذي توجعها شاعرنا عنوان الجوان
« شخصيات سر قربة جبهة » ، وإفهام من الواقع المادي معروفة في
حياتها ، تملأ بنا أو تحيط بغيرها ، بل نراها ونعيشها في كل
قصة من حكايات الشخصية .

وقد ألتصاف بفتنة ديوانه إلى قصيدتين ، تمثل الشخصيات قضا
منه ، وتمثل الطغاة الذين السهم الدم ، ومع ذلك شخصيات جبهة
الديوان في فكرة الواقعية الموضوعية عامة مع التفرع بسيط في طريق
المخرج الشعري والمعالجة الفنية .

ولنبدأ بتصوير الديوان الغريب هووية الشاعر الحي لبلده قضاها في
الريف تنظر عليه والتي تمشي أدمياها حاضته أو مرضية لذات يدها
المصنوعة : لو كان يديك / كنت أفرز القلب الطريد / وتعدني أنتي /
كله بنات ألوح لتيان في نظرة الخزيين / والحق اللصوص / داي يديك عليا
بالبجادة .

وتكتشف في قصيدة « موت دأضلك » عدم رضاه عن واقع المجتمع
الذي يمناه ، والتكاد تشعر بطعم مرارة الكلمات وطوحة الأزمات
أحيانا ، بل والتفرد من هذا الواقع الكليل . وهي قصيدة فيها سر
فيها العديد ما يحسن شغاف الوجدان بالجزيرة والمناطة (تليان الطير
عليان بالمعبر والأزمات / منقاص ومجرب بين الشكوك والشوك /
ينقي على لمري)

ويبقى قصيدته هذه بعمق سر هذه الحالة (حش بالقلي ولا
يا بلي / حاورتي في روجك / صردي .. حار دوش / أمشي وشوق
حالك / راسع وموت دأضلك) .. ولقد نجح الشاعر في الربط بين الجمل
هذا الميسر الجمل من الكلمات مما يسرع في وصول القصيدة إلى الجمل
وقد هذه القصيدة عبر شاعر منظم بالفرع والمزج والدمج للتعبير
عن الحالة النفسية الذاتية ولعله يريد أن يذكرنا بقول المتنبي :
« وكما ذا في صدر من المتكلمات » والله ضحك ضحك البكا .

وتتمتع قصيدة عيناك مكاناً ألكي فنياً وشعراً مد قصيدته على صغير، وفلك
 لغوية الطرح والحق الشعري، الرق والخيال والصورة الفنية الدالة على
 صوره الطفولة، حفاضتها أماماً المواقف البصيرة. ولذته ليدعو أحمد أبو حمزة
 حارس الكتابة للفرح، فقد أجاد في هذه القصيدة على الخلق والعين بلسان
 المرسلين. وسر الصور والخيال (ووقت العزيم ليد / شفاقة نور، خلفه من
 يماين / ولد يماين، ليد من التبر)، (وقد الظه يبقين مع الأوتار) ولدي الظه
 من الخلق / ولدي يماين، عينا الخلد، وإما في الظل صاقل .. ما هو الخلق ..
 وهكذا يتعمق شاعرنا في طرح أكثر من مأثور شعر من هذه القصيدة الحية
 التي تبيح بجزيرة قدرة المشاعر أحمد أبو حمزة عند ما يصوغ القصيدة وحدها المفقود،
 ومع ذلك لم تكسر قصيدته «برقية» المهداة للفنانة مصطفى
 إبراهيم، بهذا المستوح الجيد لقصيدة «عيناك» وقد يكون سبب ذلك، أنه
 نفج نفوسها لخلق الوائ، وليس لوجدها الشاعر فيه، ولكن أقطاقنا
 هذه الرفقة الدافقة هي للفنانة كبر مصطفى (أفرد في لوحته صوفي
 بالمكانات / حناش يسلم للقيود / تأتي العزيم في باب .. أحسن الرجوع ..
 شد الطلح / وأخضعه لفساد الخيل مع السفر) ويرتفع بقدره
 الحد، وأزده من طرقة معه الفنان الكبير، يتدبره بكن الحب والجودة (الوخا
 تأتي بالخطاة / قوم لعل ما أصغر .. والبقي شوك) وهذا لنطبع القول،
 ما أجل القصيدة من الصداقة.
 وجملة قصيدة تنويعات على رفقة الرطل في ترتيبها الرق والمزج،
 غاية في الوض بالرمز والظلم، وصلة الجزء الخاص بالمرأة، ما تفت زلعه
 بالودانة لم يمحونه من الخلاء والإستغناء بالسيب (لوشفقت
 لنفسك جوة نفسك احقك فوق مقهور / الحلم فوه شجر الحاضر / وأنت
 التي شعلت البصر .. مقلع الرقيات / ومطقت قلبك بالظلم .. فترفع المسكيات).
 ودرهم جمالك وبرقة قصيدة «شبه عيناك» وتلك الصورة والخيال
 الجميلة، البداة أن أرى أقد الشاعر أخافها للديوان .. رغم عدم قطعهم
 موضوعها مع الطرح العا للديوان - ليؤكد لنا، صاقلنا أكن شعرنا لظلمنا
 وقدر قصيدته - ومع ذلك نفضل وحدة الديوان الموحدة.
 أخيراً، نأخذ إلى الشخصيات التي تنصدر أودار البطولة في هذا
 الديوان والتي جاءت فيها شخصية «سليمان الحبيب» من لحان العبارة
 الإنسانية والشعري، ويبدو من الصور الفنية من أركانها، أنه شاعرنا
 أحمد أبو حمزة كعالم مدروس ودمه ليقيم لنا وجبة «دسمة» من الطبيعة وحب الفيز

ضد الإنسانية « سليمان » العاقل المتوحد مع نفسه ، هو موقف لكل أشكال
 الإنسانية المفقودة من عالمنا المادي . . . وأخذ شاعرا ببطرة صهيونية
 من خاتم النبي سليمان معادل جسميا تصور داء عقور به « سليمان » حرق
 السحرة لأمرو بالدينان بقتل كات يورثها على أقرانه من القفرة (أما
 سليمان معاك خاتم / تقصير به جنين الفيل والذرة / ٣١ / انزلت عليه كنهة
 تقربها على الحامدي) ، و سليمان لم يشك لموته وحاجته من لم يملك
 جسده شاعرا على هذا المرضا بحالة ، فيسأله : (أنا المزارع تمسك / ولدي
 الجهد والبركة . . . / خطرة المزيد من بالي / وادري سالم واحضركم) ،
 فما آمن أكثر كيف الشكر شعوره ببساطة وحين موجهة تقطن الخلق
 برا ما لنظريا من المتدور والتصور . . . لم يكن هذا الطرح وأراد أن
 يعطينا شخصية وإنه في دراسته من جانب آخر (كبري / بالحق / على كل
 البصائر نام / أوشق قاهر كقول خاليف / وكلمة واحدة من كسان ما في
 غيرنا « ده باين موت » . . . وطاهر شاعرنا في غاية التوفير في الجبر
 لدر من ماصور « سليمان » الذي بموتهم شخصوا كل لماقات النور والي
 من حياتنا ، وهذا يكون معروف القصة والدراسة بالمفرد من الذين
 القصة (ده كان إيمان / ولما في في الطريقين / طفاه ومدا
 وورد في الدرون بطله . . .)

وفي المار هذا النوع والتقدم ، يخرج شعر احمد يوسفه مختلف
 الأساليب ، يتلوه بين الحان الشقي والمفارقة الماخرة واللاطف الفطن
 غير أنه يعتمد كثيرا على الكلمة المعززة وفعل الذات وهو ما تلاحظه
 سلبا على قصيدة « لم سليم بياغ اليونانية » ، التي جاءت مقبولة
 بالتفصيل والتزييد ، وهذا ما يفقد الشعر سبناه المفرد من
 الوجداء والتكليف ، بمعنى ضرورة وجود وفي بالسرد الشعري وفتح
 نرويا من بقية الحق . ونتيجة لعدم الالتزام بالمقاييس المتكورة
 هذا ، جاءت قصيدة لم سليم « متفاوتة المستوى » ولم تعد الجمل الجمل
 المنفرد الشعري ، شق (وأما قلبه العاشق قلبه / كانه يصحب في الشرايرة /
 وحيث في دنيا لم سليم / ليفر دمع . . .) . إنه مثل هذا السرد الذي
 يفيد وليد يصف جديد للنفس . وفي نفس المعال من التفاهل
 جاءت قصيدة « سيد المود » . ولكن على هذا فنلج الشرح جديرا
 لهذه قصيدة « الفيلق عزازي التي ليزن فيها أي سورة » فنظا زيار وجية
 تعيد أيضا ذكريات ليلى الذكر الصوفية وتتناول على النبي صلى الله عليه

الإيمانية التي توهنها النقصانية الدينية وهذا هو التوحيد الإلهاني ،
وهو بعد ذلك ، يستعمل عبار شعيرة فنيائية وديانية بسمية ، فنانا
الموقف والموقف ، (حول المراتب وقوم من / ماورد الميراث)
بجانب كفاية / يا شفيق المراتب ، دور في الدور / ولم الشلة في الملائكة /
وصاتهم يشكوا الزلعة في قلوب ...)

وصدا ما نرجو في قصيدة طالع لمير الجليل نافع « الذي يمثل لديه
قيمة إنسانية عالية ، في رها في الظاهر القليل من الناس .. ولأنه كل الأشياء
المطلقة لا تروم ، فإنه لا يميز لها منها سوى المذكرات بنتا في بها وترجم
على أفعالها الذميمة فارتونا إلى معاد ، (ورتي الجهر ، نحن موصو
شفاقة / ولطيفة الذحل / ولو يفتن .. تشوقه لوفاء / ولكن لم نر
على جبهة تعيد القاد / وله أمار في وقت البيع / تحسن الروح كما المعلقة
تتميم تيارج / ويسكن في المعلق نجوم / تدل على سر عتيق نظره /
نرجح في عياله .. خلاص سافر

وشاعرنا أحمد أبو سمرة ذاتي الذي هم العبد والصديق في الناس .
وهو دائما ضد من يرفعون شعارهم أو يرفعون لعلهم المذموم ، هؤلاء
المثابرة وسائرهم المقاتلة والمقاتلة ، كما أنه لا أحد أبو سمرة ، مؤلفا
محمد محم ، كما استغفر في هذا الموقف ، مدد يراه المبالغة التي
يلطخ ويظهر بالذلال من أجل الزود ولغة العبيد والصورة
المقارنة مع ، هؤلاء المرافعة الذين يلطخون قلوبهم خمسة وخمسة
في سجل نهب وسرقه الذمير .. نحن هذا أوجزه المقاتلة في
خروسة قصيدة « ولما تشو » التي يقول في كلامها ، (ولأنه
الدنيا بتتفرج / بتفرج في المراتب / التي لنفسا بيفعل / وفأخوة في
كل الإجابات / بتتفرج في الصلابة ... / شاف كل القلم وبشوش
كروبي / من الوقت الذي يشك فيه / حته قماش ، بينصف بها / والله
من الذلوان ...)

إن هذا اللذان مثابرة حقيقة لشاعر صاوم ، أراد في
النهائات القليلة به أن يضيف قيثا جديدة وصوت له خصوصيته
في شعر العامية .. لهذا ما أورد أنه آخره في هذه العبارة من
المقارنة .

كامل عبد مضان

تصديـر

لو كان بأيدي
كنت أفرد القلب الطريق
و تعدى إنتى يمتى
لكن بأخاف ألمح فى عينك
نظرة المخروس
و ألقى اللصوص
دايسين عليكى بالبياده

أحمد أبو سمره

القسم الأول

موت وأضحك

تنده عليك عيني
بالحب تداويني
إيدك تمد الجرح
تحزن ساعات ليلي
وتشد في المكنون
تملاه أهات وظنون
ما في حد شال شيلي
أضحك و أنا المدبوح
بالرمش فج البوح
و أرتج ضاع حيلي
يا مين طريقه ضباب
دوآر على الأحباب
و يغنى مواويلي
أصرخ يقهر الصمت
و دموع تهد الكبت
و أرقص على عويلي
مديت خطا دربي

و دفنت يوم قلبى
طرشق فى غيط نيلى
ضربت فى عمرى جدور
بتكشف المستور
و تشق جيب كلى
تدلّق المجاريح
و تطير فى وسط الريح
و تعدى موج طيرى
و تغفلق الموازين
و النار تخش الطين
تحرق حصير غيرى
قلبى الطبق ملىان
بالصبر و الأحزان
متقاس قوى و محبوبك
بين الشكوك و الشوك
ينعى على طيرى
بتضيع ما بينا نجوع
و تجف فينا فروع
الجدر ليه مقطوع
و تعيش جدور غيرى
يا رحيل فى رجل رحيل

و يا ليل مزحزح ليل
ضئى البراح و عليل
إسكن جروح و إكوى
مفروء على الدمعه
مغروز فى نى الروح
سافر ما أنا مسافر
مش يئشكى و لا بأبكى
حاور بقى فى روحك
هترء ما تردش
إمشى و شوف حالك
إسمع و موى و إضحك

البحر

مستحى أفرد ورقتك
و أقرا ف عنيكى كلام
دا اللى واقف فوق شفايفك
كلمه كانت فى الضلام
و اللى نايم فوق خدودك
مرمغيه فى الإبتسام
و إنزلى حبه بحبه
إسقطى دا مش حرام
كنت بأبدر ضحكى
زرعه بتضلل عليكى
كنت بأحلم لهفتى
مره أشوفها و ف عنيكى
كنت بتدارى فى خجلى
أنكسف , و أموت ساعات
ساعات أدوب فى حرقتى
أتحرق وحدى فى سكات
كنت بآنده ندهتى

صوت يجاوب من بعيد
ألقى نفسي فى غربتى
و أرجع أحبك من جديد
و أنتى مستحليه دمعى
جه لسمعى
إن الوجع يقطعك
يطلع الآله بشوك
و يفزعك منى الأمان
أنا مش شيطان
أنا بس يا ضل الوجع
فارس زمان
الضحكه كانت بالسهام
مغروزه فى السر البديع
طله ربيع الروح تطبطب
ع اللجام
و تطير قوام
راكبه الحصان
فأنزلى حبه حبه .. أسقطى
الشط ما بيرميش حبال
و البحر بيحب الغنا
و يدندش الموج بالأمان

بيفز قلبه م العكار
و بيمشى صافى بسلطنه
و الموج بيضحك ع اللى خاف

٢٠٠٠/١٢/٢٠

عيل صغير

بأحس فيكى الأمان
و الدروه
ساعة ما موج قلبى بيتعكر
أقعّد أفكر .. ليه أنا الجانى ؟
و لما الضحكه نسيّتنى فى أحزاني
عنيكى ليه فى وقت الشده حرسانى ؟
و تجمع فيّه من تانى
لوحدى الروح تفارقنى
الضمير ينقح
و يزعل قلبى يكوينى بكلام يجرح
يفوتنى و البكا موصول
ماليه قبول فى خلانى
أناجى عنيكى تحضنى
لصدرك أسعى و مفرفر
جناح إيدك يللمنى
و يسقيني الحياه سكر
دموع الفرّح غلبانى

يا ورده فى عمرى ما دبلى
تسامحى طفلك الموجه
كمان ترقيه
تضمى عنه لأحضانك
تشدى ودانه يرجعك
بعمره ضاحك الدمعه
و يلمح فى العتاب رمشك
و تشقى عنه سنين ضايعه
سبعناشر وقع فى الشوك
و قيد عمره بيحرق فيه
و جوه عنه حاجات تايهه
ولد صغير حزين
محتاج التفاريحك

٢٠٠٢/١٢/٢٢

عيال

و كنا عيال .. بنتقاسم في لقمتنا
بنتخاصم و نتصالح
و نجرى لما فوق الشمس
تعدى بينا ضحككتنا
ما نلحقش العشا جازيز .. ما نوصلش الفطار يمكن
لكن جوانا كان شبعان
و كان إنسان
بيحلم بالبنات الحور
بيحلم بالدفا كلمة
و يسعى كالفراش للنور
و راضى تسعده نسمة
و كان عيل .. بيجرى قد ما يجرى
غيطان الشمس ما تهده
و وقت الليل عينيه صاحية
تناجى في القمر وده
و وقت الفجر ما يشرق
بتلقاه نور .. يغنى يجرى يتمايل

و لا يميلشي لأرض الزور
و يشرب فى الصباح ندعة
من البركات
و عند الظهر بيقيل مع الأموات
و لا يخافشى من المخلوق
و لا يهابشى غير الخالق
و دايماً فى الكلام صادق
ما هو عيل

* * *

و كان عيل
فى وسط الضلمة متونس
بلايل قلبه بتغنى تلم طيور
و تلعب ويا بعضيها
و تدارى من الغربان
و تسكن جوه عش حنان
فتبدرها فى غيط قلبى
و تزرع ألف شمعاية
حفان فضة
و تلضمنا عيدان قاعدة
بنتوضى
ندور فى القلب مش داريين

و انا دارى كانت ساكنة ف تل بخور
بتحلم بالوصلال بينهم
و تسرج فى الضلام عينهم
و لا تطفيش نيران قادت فى يوم فيا
يا عود أخضر دخلت ف قلب دنياك
بدون ميه
بقيت درويش
و عشقك فى القلوب ضايع و لا بيكيش
دموعك فى الغنا ترانيم
و حرفك فى الوجد تناسيم
نسايم عمرك الراجع و لا بتحكيش
عشان عيل

* * *

و كان عيل .. بيسرق م الفضا صمته
و يحرق فى الغرف طاقته
و يسجن كل هفواته
فى بير محفور و مدارى

* * *

و إيه فاضل من العيل
و إيه باقى . . . !
ماعون فاضى . .

و أرض غريبه و شراقي
بيتأمل ضياع عيل
و موت عيل
و حلم جريح . . و منكوم ..
مالوش معنى و لا ذكرى
صحيح زادت سنين عمره
و احلام السنين طابت
لكن بارت
و وقعت منه فى السكه

برقية

إلى الفنان / مصطفى حننى

مستباح تدخل و تكشف
طبعك الطابع حدودك
جوه بيت ملبان شموع
مرة تضحك
مرة تسكت
مرة تسحبك الدموع
بس تقدر جوه دمعك تبني مركب
و بإيدك الحنة تفضل تسقى غيرك
قوم . . .
دا طيرك يندهك
و الشمس طالعه مزوقه
فارده ضفايرها الذهب
متبشقه بريجة عنيك
ميت ألف لون
و الريشه قايمه تبوس إيدك
الصباح طالل فى روحك
جمع القوه فى عقلك الطاقه تنور

ميت طريق للمحبوسين
و إنت صانع الأفكار عواصم للجمال
" فينوس " ما تقدر تأسرك
يابو وجه " توت "
طارح على النيل البراح
" إزيس " بتحكى عن نبضك لحورس
و تقدم التاج .. قلبها
أنت الحقيقة منها
قوم شوف " تحوت "
كاسر موانع حكمته
قلبك حاويه
و الروح خلود يا ابن الصباح
أفرد فى لوحك هزنى بالممكنات
ما أنتاش مسلم للقيود
تانى القمر مدبوح غياب
حاز الرجوع
شد القلوع
و أخلع عن الجسد النحيل
عفر السفر
أتوضى تانى بالحياة
قوم قبل ما أهجر
و أبقي شوك

حلم

و شُفْتُ الفجر طالال
من خلف هذا الليل
جايب أذان الوطن
و ف صوت " بلال " زقزقة عصافير
و " كنيسة المهد " بدمها بتقيد شموع
لقيت " الأقصى " بيصلى
فى قلب " القدس " أنبيا
و عيال حمام بتحوم هناك
مليون جناح للوطن
و العدرا جنب المسيح
ماسكين طبق فضه
و احمد بيتوضى
مد الإيدىين بالرطب
دوقنى حيانى
زعقت رد الوطن
و بقلبه نادانى
فى جبينه شق القمر

و شهيد من الجنه
راكب حصان أخضر
و في إيديه كام مفتاح
و "عمر" مع الأحرار
ماسكين طبق حنه
للقدس تتحنى
تنقش خلود الحجر
و حمام على القبة
مع الأمل غنى
صحيت و قلبي انشرح
بالحلم
قلت .. أمين

٢٠٠٢/٤/٢٢

القدس

مش كنت باحلم زيكم
و ارسم خطوط الحلم ع الرملة البعيدة
و اطلع بحلمى للسما
و ابدر على النجمات حكاوى ضحكتي
مش كنت باخد كل أحلامى معايا
و اركب فى قارب للقمر
و ينام فى حجرى .. أحكى قصتنا الجميلة
يفرد فى ضيه على الوجود أحلام
و أتسرسب من بين شموع الانتظار
ترانيم نشيد الأمل تعشش فى القلوب
و ادخل النغاشيش .. و أوارب ألف شيش متقفله
تخرج بناويت الحيا و اللى ما تقدر
تفضل ع الحيطان
تسحب فى خيط الحلم من كمى
و ترقص
أغنى غنوة النايح
وسط ليل غارز نيايه فى لحمنا

بيزرق في ..
عشان ما حلمه يوصله للامتلاك
الدم بيسيل
و العيال تفضل تقع
و لا هو حاسس
شارب في دم الكل مصاص الدما
و بعينه شاخص
شايف حدود حلمه الوضيع
و احنا يا دوب
فوق جدار الكعبة بياكلنا القرض
مش حتى أرواح مشرقة
ما احنا اللي سارقين الوطن
قطاع طريق
بس الحقيقة حلمه قادر ينسجه
يشبك خيوطه بدمنا و بيلزقه
احنا عنز .. متفرقين ملناش وطن
أو حتى حلم نحققه
مش كنا نحلم يوم سوا
بجنيته خضره بتنزع
و نلم فيها شمل قرب ينقطع
بتنسى ليه ؟ ! !

و لحد إمتى هتفضل الجسم الهزيل
و العقل غايب .. القلب غرقان فى الهبل
ربك يا سيدى .. دا الإله
وحدنا بيه و مافيش هُبل
ليه انت راجع من جديد تعبد وثن
و تخاف من الشبح البعيد لابس كفن
مش قد حلمك م البداية ما تحلموش
و افضل كما صخر البرية أو جمل
و أنا يا بن حلمى بافيض وجع
إحلم و دوام ع الوصول
ندع .. ندع
و إن غابت الشمس هتطلع يوم حقيقة حلمنا
قدس و رجع

رقصة

بتخش البيت و تبسمل
تاخذ الأذن " يا ساتر "
يأهل الصفوة فى قلب الصفّة
ضريح
و فسيح من عالم الترويح
و مريح
القاعد بينكو صريح
و الريح لو ترمى على المحبوب
يتمرجح
و الروح تتشعبط جوه سماح
مسموح
طول ما الشارب م الروح
تباريح
مستنى الشمس تبوح
و تقول
يا بدر متشرّب سواد الليل
يا عمر متسرّسب عليل

يا قلب واقف كان ذليل
أدخل و فيض لم الجوارح
أبدر في حبة زرعتك
ضحكة و روايح
أخرج من البدن الحضيض
و اطلع لمرتبة الصوالح
فرُّ القبول
من مدة الشوق للوطن
و ساعة التراويع
و أفضل مسامح
تاخذ في طلة نظرتك مليون جناح
و لا يوم هتجنح للبدن
قمر ك مغرب للسماء
و يهل واقف ع الطريق
مخنوق و مدفون الخبر
وسط الضلوع
مشفوع بحبة معرفة
بالأنس و التأنيث
و يدور كما الساقية في وسع الغيط
و تشرق الروح في الملاء
مليانة بالعصافير

تغرد
تسابيح
ورا تسابيح
و ينوح جريح
بالألم و الكاس
يمطر عمرنا مصابيح
تنور في المعاني الخلق
حروف الدمعة تتحايل على الدقات
و تنطلق ألف صرخة صمت
تسح العين بنهر دموع
و يرقص فوق خدود البوح
و يتمايل على شمعته

شهيد عينك

شهيد عينك
في بحر محبة بتسبيح
وجوه الننى شيلانى
دا شىء يفرح
لكن رمشك
سهام منصوبة وقاتلة
شهيد عشقك
و دمی سال على صدرك
و فيض روى
سلاسل سلسبيل مفرد
على خدك
و تنهيدة تلم مشاعرى
تفردها
و تاخذها معاها لفوق
شهيق داخل حنايا الروح
زفير طالع يموتنى
يشتتنى على الأغصان

و أتمرجح أنا يمامات
بتطوى شوقها فى جناحها
و من بين الرموش تتسرسب النظرة
و بين الشفة و الشفة
ندا قلبى يقول نظرة
يا ست
الشوق فرد جلدى
على شمعك
و نار الضمة تسقىنى
رضا بالروح
و شهد الدنيا فى عروقك
أخش القلب و اطمئن
و أنام و ارتاح فى ضحكايه

القسم الثانى

٤- شخصيات من قرية مجهولة (الهيئة العامة لقصور الثقافة)

أم محمود

الفجر لما يحين ميعاده
بيشق في الليل الخلاص
و الطلق يسبق شقشقة الميلاد
زقزقة العصافير
و أم محمود ماله البيوت بالونس
و الأغاني مبسمة حبة سبوع
و النار تقيد في ظهر كل الأمهات
مسامير حدادي
و الدمعة بترادف الأمل موالود
اسحبي يا بت نفسك يمتي
ما تصرخيش
امتى الميعاد يا خالة أرتاح و أترحم
لحظة يريد ربك يفتح في الجدار
و الضحكة تملأ وشها
" شدي حيلك "
و انتي يا زهرة أغلى مية و دلدقي
باين عليه واد و شقي
أموور كمان

ابقى امنعى عنه الجيران
وانكره
بسم الله و لا فلقه قمر
قومى يا صالحة و اقعدى على بطنها
لاجل الخلاص با بنتى نقدر نزنقه
و تفوق زكية
يا هلة الفرخ الندى
قومى اقعدى
قولى لعينك تختشى
لا تحسديه
سمى عليه و اديله صدرك يعرفك
و لا ينساكيش
ما تعيطيش
ربك بيرضى المحرومين
إخزى الشيطان
و أوع الزعل
مولود حالك بخريه
لحظة حنانك تفرده
و تمطعه ..
و تطلعه يقدر يواجه الحياة . . .

٢٠٠١/٥/٢١

الشيخ حسن العقيلي

كان الندى فوق ورقة الروح
و احلم به ليلا تى واخذنى فى سكة نور
ضحكة الفجر تُمطر مجاذيب ؟
كوم منقى م اللى باقى
و السواقى تدور يا سيدنا
فى الخميس يبقى التلاقى
و العمرى بكفه بيسبج
و بيذكر ربنا الحاكم
إنسان
و متلفع بشال فضة
و تنشد .. قلبى يتوضى بضى الوصل
و بتسرج بالتواشيح مسالك
للعيال تدخل فى حوش روحك
و تغرق فى الغياب " الله حى "
بيجمع الأحباب .. سلاسل ضى
يفكوا الضلعة بالقناديل
و ضى هزيل بيطلع منى متقيد

تمد الإيد و تلقف نظرتك روى
أموج بالعطر فى الخلوة
و أغنى و تمطر النوة
ذنوب محروقة فى الأنفاس
زفير و رماد
شهيق بارد من الجنة
تهل علينا بمحبة
تغيب فى الروح

٢٠٠٢/٥/٢

عبد العظيم محاسب

كان أجمل ضحكته في ليله الحنه
لعيب و حبيب
مع " منعم و وحمكشه و حسين "
و لأنه خليط جبلاوى محوج
كان داخل قلب الحاره و طالع
بينام ريح البسمه الدفيانه سماح
مع أهل الشارع
و يلف الدايرة بتطويحه على كتف " حسين "
و " للاحى يا للاحى
قيدوا شموع الأفراحي "
كان زى السيف
و لا عمره كان غلاط
الواد سوكة الشفاط
يلمح نظرة عينه يهيج
و الزفه تكون بمزاج لعريس
متحنى و حالق و مَصِيَّتْ
و بيحلف م القلب الفيض

ما يحمى عريس الجبلية
غير هو و " بكر و زغلول "
و عريسنا بيغرق فى التشت صواب
يضحك مبسوط
و الدنيا نقوط
و الحته بخمسه توقف جوز نسوان تحميه
من صواب فرحانين
" الورد من فرحكم نور و قال الله
و الوصل زاد قريكم لما سمعنا غناه "
الله .. من صوت يتسحب فراشات
مع ضى كلوب الدكان
و بتلعب مع ونسة صوته
اللى تخوف كل العقاريت
" التلعب فات فات
و فى ديله سبع لفات "
و التلعب يرمى فى أغراب
الضرب و والع
" عبده محسب " هاجر دامع
عن كل عيال الجبلية
شد رجال الغربيه و سافر
لكن سايب ريحته فى عمرى

الحاج عبد الجليل نافع

ريحة المنجه و طعم البلح
فحل البصل مع حنة جبنه قريش
كوز الحليب ع الريق
الحاج عبد الجليل
زى النخيل شامخ
و فى بسمته زى البلح .. رانخ
أخضر كعود الخص يطرى لقمتك
يابس فى وقت الشده
ملاحح المرجلة فى سماره بتهزنى
و صوت وقور يدهشك
لما ينادى " يا واد "
تروح و نظرة عنيك مليانه بالرهبة
و الهييه تربط خطوطك مسمار
بتستجار بالريح لاجل ما تولى
تفلق لو تسيب قدمك
يقرب و أنت مشدود له
بتلقاه نيل .. فايز من التباسيم

و ضحكه هاديه كما الموجه فى بحر الخور^(١) و بوجيه
تضم أديك رجا إيده رطب و حليب
يطيطب ع الكتاف تهذا العقول
و يقول .. يا سلام على لسانه ينقط ضى
و حبة توت بيديك ماليهم زى
و حقانى
يضيع عمره عشان العدل و المعنى
فى دنيا بتقسنى ع الغلبان
و زى الطير تحس بروحه شفافه
و طيبة الأصل
ولو يغضب .. تشوفه طوقان
و كيل طافح على جبينه تقيد النار
و له أسرار فى وقت البوح
تحس الروح كما الطاقه تفيض تباريح
و يسكن فى الضلوع جوه
تدلق من عينك نظره
تروح فى عياط .. خلاص سافر

(١) من معالم السويس

محمد أبو سليمان

فى الليل الفرق بيان
بين لون القلب و لون القلب
و خصوصاً لما تنام بنات الحور
و تسبب القمر المتشرب بحكاوى الشمس
يقعد مع كوياسة شأى فى السهراسة
و عيال القلب حليب تلعب
فى الجبلية
عند الساقية و النخلة أم البلح صيص
و الشيخ " محمد أبو سليمان "
من عادته يلف بيوت فاكهة الغاليين
و يبقرا بحتة بخمسة كل خميس
أو حبة عيش مخبوز طازة
سخن و خمران
و يناقر دايماً فى الشيخ " بيومى "
اللى قفل الكتاب
و أسرع من ذكر النحل المرمى بقطان
و فى رمضان

الشيخ أبو سليمان حاضر
بالطبة اللي ما زالت بتعافر
مع صوته المبحوح
حافضينها
يمكن بتفسر أى كلام يسقط م ألف
و بنجري وراه
لحد الفجر ما يضحك ..
يحوش الليل

* * *

و لما الليل يسهينا
بيفرد ع السما دراعه
و يخنق فى القمر و الناس
تحس قيامه بتعفر
عيال مزروعة وسط تراب
و ست جميلة تنده له
يقوم مفزوع على الطبة
ينقر و القلوب تتخض
و تل صفيح من الغطيان
بيتمرجح
على صوت العيال طالع
توحد قلبهم غنوة

" يا بنات الحور سيبوا القمر
القمر مخنوق و لا عندناش خير "
و نظرة من عينين " شامة "
على خدودها ينام الضى
تقوم تقعد على حيلها
و فى أديها القمر عرقان
تحطه على الفخاد يرتاح
بكم بيجامة منشورة
تنفض م الجبين عفرة
رمتها الريح على وشه
و ياخذ نفسه و يبسمل
تقوم ترقيه
و بالراحة
يروح طالع على الدنيا
قمر فرحان
و عم محمد المجدع يدق كمان
يخدنا فى حضنه و يفرق
عسلية
و يضحك .. كما صهل الحصان فى الريح
و بشوية دعا منه
نقوم نجرى على التربة

اللي كانت م الغضب هتطق
و مستنية على شط الهويس
تاخذ منه . .
شويه من سنين عمره

٢٠٠١/٥/١٥

الشيخ عزازى

الحب شاره
بالإشارة تقول مدد
يصطفيك الرب تدخل فى المعيه
على يبرق و سارى
و ألف سارى بيترنح وهو طليق
ذنوب الخلق تخنقها الحلو و تضيق
و ذنبك فى الصفا بوحك
و وجه مليح
عمار القلب بيفضفض عليك أسرار
تقيد قنديل
تلمم جوه تباريحك دليل و عليل
و أنا الهائم فى حب الله قلبى خرج
دليل العشق يديهم براح و فرج
على عوده يمس الروح
تنتشى الرنات و تغزل مجروحين
متعشمين لحظة خلاص
و نار تشوى الدموع فينا

نروح و نغيب
عيال مجازيب و متوافقه
مع عزازى فى المولد على خرقة
يا مجازيب الورق دراويش
بتحكى بالخطا ع الماء
و قلب صفاء ما يتعكر
أنا مشتاق .. على منديل
أطير خلفك
أنا الجاهل .. يوحد صادق النيه
على أفكارك الطاهره
قول الترتيل .. و قوم صلى
يا ورد الجنه متحلى بكأس كافور
يا شيخ عزازى دور ع الدور
ولم الشله فى الليله
و هاتهم يشبكوا الزعقه ترج قلوب
نقول الله
على حالهم .. على حالى
تدوب فى الحلقه و قبالى
على الإخلاص
و يبقى خلاص
مفيش ع الأرض غير روحنا

يضيع الجسم في الرجلين
و تعلا الروح نروح في الراح
ما يبقى غير فرج مداح
و رنات عوده تلضمنا
و كف الشيخ أبو عامر
ترج الفيض يقول وحد
نقول الورد و الختمه

سليمان العبيط

سما مفتوحة للمظالم
و باب مقفول على قلبي
و غيط فارد جناحه يفوت
خطاوى تعدى ع السكة
مفيش نبوت
يهش به على غنمه
تقوم خدمه تشيله شيل
أيا سليمان معاك خاتم
تحضر بيه حنين الضحكة و الحدة
أم انهارت عليك بركات
تفرقها على المحاسيب
بقرش و بيب
تزلزل سكة الترة
و أى ديب
على جناح السما مطلوب
مقشة تكنس الشارع
مقام " جليدان "

و تَجَمُّعُ قُلُوبِ النَّاسِ فِي سِيَالَةٍ
و جَلَابِيَّتِكَ تَعْدُ أَحْبَابَ
" سَمِيرَةٍ " تَقُومُ وَ تَحْبِسُهُمْ
فِي حَوْشِ أَبْكُمْ
و كَسْرَةِ عَيْشٍ تَغْمِسُ بِالْحُرُوفِ عَمْرِي
و شَلْبِيَّةٍ تَلْمَلِمُ فِي الْغَنَاءِ وَ الْقَوْلِ
مَعَ الْمَغْرَبِ تَنَامُ مَبْسُوطَ
و تَحْتَ الرَّاسِ
سَانِدَ ضَحْكَةٍ تَرُوحُ فِي الْحَلَمِ
و تَطْلُعُ لِلسَّمَاءِ طَائِرَ مَعَ التَّسَابِيحِ
تَشْقُوقُ فِي قَلْبِي زَغْرُوتَةً كَانَتْ غَائِبَةً
تَهْلُ مَعَاكَ
أَنَا الْمُحْتَارُ فِي تَقْسِيرِكَ
مَخَاوِي الْجِنِّ وَ لَا مَلَكَ
فَطَمَتِ الْحُزْنَ مِنْ بَالِكَ
وَ أَدِيكَ سَالِكًا وَ أَخَذَهَا طَرِيقَ
وَ بَنَتْ وَ قَاعِدَةً بِمَلَايَةِ
بِتَشْبِيكِ قَلْبِي أَنَا الْعَطِشَانِ
جَلَابِيَّتِكَ فِي أَيْدِهَا قَطَانِ
مَعَ الدَّائِرِ .. تَقُومُ طَائِرَ
لَأَمْتِي وَ فِينِ مَا نَيْشَ شَائِفَ

وحدى في البصر مردود
وحدك في الغياب قدمك
كبرت يا شيخ
على كل البيان نايم
سكن قدمك في لبخة شيخ
و مش قادر تقول خايف
عنك مرعوبة م المجهول
و رعشة شفتك أكبر من التفسير
و كلمة واحدة في لسانك .. مافيش غيرها
دا باين موت
و موت النظرة و الضحكة
دليل يسحب في روح سليمان
دا كان إنسان
و شاييل في الطريق قنديل
طفاه دمه
و دروب في الدروب ضلمه

٢٠٠١/٥/٢٠

عم سليم بتاع البوغاشة

بالإيد العاجزة و المقطع
بيلف قلوب المخاليق
و ينادى على الواحد منا
بالصوت الباسم
و يهز صوانى البسيوسة تطرح ياسمين
يا زمان ...
العمر الفايث من غير بساتين
و بنات الشارع بالفساتين الطازه
بتشتر عسل ربانى
و حلاوة بوغاشة ببلاش
عم سليم كان يفرد شاش
و يدارى وشوشنا من الخطافة
و يدس قلوبنا فى عبه
و أنا قلبى العاشق قلبه
كان يتسحب فى الشرايين
و يخش فى دنيا عم سليم
و يفر دموع

مال عينك يا بنى
الدمع النازل منها جرحنى
و النظرة الراقية ملاها عكار
إيه شاغل عقلك بالأفكار
بصيت له
و عيونى بتتخلق على شلية نار
و الضحكة بتفور
مع حنة بسبوسة
وهو بيفرق فى حروف الضحكة
الدايرة فى صوانى
و يراضى كل عيال الحنة
المطلوقة من جوه الفوانيس
و رضانى
و اللى ميرضاش
كان عم سليم بيحزم له الضحكة بمريسته
و يرقص كل حيطان الفوانيس
على دبه رجله
و يشعلق فى قلوبنا بحبل غناه
الله ..
كان قلبه يخش القلب يمدد
و يغمض عينه

و يفرق بين الهم و بينه
و يللم في السكة عيال تتمرجع مع تفانيه
و يبيع بالنكلة و بالمليم
و بيدفع روحه لاجل ما يغرس
في الدم الضحكة بحتة بسبوسة
البنث عروسه
بتسمع صوته تنور م الأحاسيس
الصادقة في عين حلاوتهم
أم ضفيرة ديل حصان
عم سليم الإنسان
بيصحى العمر النائم فينا
و يطبطب على قلبى الزعلان
في السياه
و راقد لما شبع في بوغاشة
كان طابع وشم محبة من غير علامات
و بيسحب في عيال م الروح
بتموت في قلوبهم ألف حكاية
و أنا واحد منهم
روحنا معاه
عم سليم غنى
وحشنا غناه

القلب الراقد فوق الحلم أهو تاه
عم سليم أصحى
أكلنا بوغاشة
و حزم فينا الحزن وطوح فيه
و غمى عينيه
خليه م الدوخة يروح لبعيد
عم سليم أنداه
قوم هات المقطع
و أرفع من فوق القلب الشاش

قوم غطى قلوبنا من الخطافه
رمضان أهو جاي
قوم هاتلى كنافه
الله .. على عم سليم الطالل
فى عيون عيل .. قايم يضحك

أبو سيد الحلاق

كل ما يطول حبل الكلام
السكة وسط الزحام تفتح
و أما يعافر قدم
يصنع لروحه ع الطريق مطرح
و " أبو سيد الحلاق " زى الغيوم
بيمطر الهمس على سفح الشطوط
شفرات
بترقص فوق الودان
و تعدل فى القفا التدريج
و تطاهر ولاد خمس سنوات
و يمسك الجلدة المربوطة
بسن الموس
الكلمة تخرج من بين جيوب الأنف
- " وطى " دماغك ع الحريرا
و إيده رغم ثقل الكف .. ريشة
و يطلع النص فرنك م السيالة
يديه للخالة أم سيد

تقضى بيه اليوم
- أنت أبن مين يا ولد
أنا ابن الضى متحزم فـ رتينه
و امى الكريمة .. ست بكام راجل
تلقى خناجر الزمن
و الطعن بالبسمة
و الصمت روح الكلام
و البودرة تمنع نزيف الدم
و تدارى الحقيقة
أشرب ميه بمورد
و أعصرنى فى القله
تحلق و تمشى فوق حد القلوب ساكت
إياك ما تتاخذ
شاف العريس و انطلق
يربط النقطة
و سن موس الفرخ
و فرشة الزينة
و هو واقف جنب منى
لاضم الفتله يغنى
كام حكاية قصاص عينيك
و كل باب مفتوح قصادك

تدخله
و انت واقف ع المراه
- وطى ياد
البنث عنبه
واخذه واد زى العامود
بتبوش فى يقه
وهو مش عايز النعومة
- دنيا عومه
و حال غريب
- أم عبده و ست ابوها
كانوا ليلة إمبراح
عفاى ..
ع الست عيشه
- السكوت عندك تفلسف
و انت شايف ألف معنى
و لما تحلف
تلبد الضحكة فى عيونك
و البوح يفيض
تبقى موجوع الدوافع
- ما حد نافع
- وطى ياد و بلاش لماضة

البيت بنتى مزعلانى
الواد عريسها مغلباه مع أنه طيب
طبعها طبع أم سيد
- بصيت لعينه مرغره بالابتسام
و لمحت فى القلب الأئين
متسطرة أيامه ع الشفرة
و مشط الجلد
مرايات المرار علقم و متحلي
بدعا الوالدين
يا عم أبو سيد .. القيقاب على الفوانيس
مفيش غير ست " خدرايه " اشتكت أيوب
و نامت جوه عين ناعسة.. بطول الشط
- دخل مروان
تجيب المكنه أطييب
الليلا دى خميس يكون سهران
مع جمعة أبين جوزه الطيب
و هات فى مقص متسنن
مع المواليد ..
ضوافره غارزة فى الكرسى
تقيد فى لهيب
بلاش لحسن تفوح الريحه من الشنطة

و خف الموس على الجلدة
فى وضع حسييس
و أيامك يا أبو سيد بلون واحد
و ألف غيار
تعالى نفند الأفكار
رتينه قاعدة
وسط كلوب
و قلبى يطب مش مرعوب
لكن عاشق .. يخش ويريد مع الحقنة
فى همسك بس تنطقنا
تقول يا ولاد
و تحلق للكفيف يوسف
بدون ما تقص
و تحلم وسط وسعاية
حصان رهوان
تلملنا فى جلابيتك
غنا العصافير
و وسط الشجر
نتنطط على الفستان
عروسة حلمك اللذة
فى ستر عيوب و كشف طريق

و إيدك نازل بالجزة
و تحلى فى ألف صديق
بتسحب م الرؤوس النار
تصندق جوه صندوقك
حكاوى عمرنا الداير
و صندوق الزمن فاضى
من الأحلام

زمن العساكر

و لسه فاكر ..

كانت البيادة تلعن أبو خاش النقيب

و تطلع لسانها للرائد المغوار

وسط النهار

و اما الليل بيمسى بيشد اللحاف

* * *

و العلم ..

كنّا نطلع له بالسلاح

لاجل ما نحبيه

يدأرى فى هدومه .. و النسر

يقع على الأرض يتفتفت

* * *

سراويل العساكر راجعه منقطعة

و القهر فى عنيهم بيتقل الخطوة

موسيقى عسكرية .. نفير

تمت إزاحة الستار عن لوحة الموتى

* * *

الطبلّة ترن
و رنة صوت القائد
بتحرّم الكباريه فى وسط الوحدة
و العساكر
بتميل مع المايل
ترقص مع الطبال
و الطيارات تسكر

* * *

استسلمت الرايات
و عزف البروجى

* * *

فى الوقت دا بالذات
أتلملت العساكر
أشتات ورا أشتات
هرب العلم رغم الحراسة المشددة
من سلاح العدو

* * *

تمت مطاردة العلم
و اتحاصر
عافر عشان يكون
جناح عصفورة و يغنى

رموا شباك الحصار
رفع إيدى اليمين
علشان يسلم روحه
كان آخر نفس جواه طالع
و انفجر فى ضحكة باردة
و أعلن السارى الحداد

* * *

فيه علم مزروع فى قلبى
مستحيل الموت يطوله
رافض يطلع من جوايا
خايف عليه م العساكر
تحدد إقامته

* * *

لو كان بإيدى
كنت افرد القلب الطريق
و تعدى أنتى يمتى
لكن باخاف ألح فى عينك
نظرة المخروس
ألقى اللصوص
دايسين عليكى بالبيادة

٢٠٠٢/٢/٢٧

تنويعات على رفات الوطن

١- الطموح:

لو تفكر تبقى طير مفرد جناحه
فوق شواشي الشجر
تنكسر ..
ينقص ريشك
تتربط على جذع شجره
تضطر .. أسف .. تنتحر

٢- حلاوة روح:

لما تاخذك ألف طاقة نور و تفرح
تتشابك خيوط العنكبوت
و الإخطبوط يرسم دوائر مقبرك
همك يدوب جوه روحك يعصرك
و نوصلك تخرج براسك م القبور
و الإخطبوط واقف على القبر الحزين
يخنق في فجر .. إنك تكون !...

٣- المراه:

لو شفت نفسك جوه نفسك
حقك تموت مقهور
فات القمر
و الحلم فوق شجر الكافور
و إنت اللي مشلول البصر
متكسح الرغبات
و مطفى قلبك بالبكا
فى شرح السكات

٤- حقيقه:

القطه لما تجوع بتاكل فى العيدان
و الفار بينصب مصيده
و الأم تخنق حلمها
تعشق جمالها بنفسها
فتموت ما تشعر بالزمن

٥- إعتذار:

معذره يا سيدى
لو قلت إنتك م العبيد
و العذر مرمى فى التاريخ

و أنا مش راح أصرخ جوه جوفك م المزار
و لا راح أبرر الإعتذار
إنما كل السنين أتمردت
على كوني أقدم إعتذار

١٩٩١/٣/٣٠

بلياتشو

و داير على الطرقات
بيعبى فى قلبه دموع الخلق
لما زكايب الروح تتنفض من كل أساها
وهو بيتشعلق فى رموشى
و بيرسم فوق الخد الضحكة
لحظة ما بيحذف جاهل
بالزلطة فى راسى
و اما بيلعب بالتشخيص
يتسكع فى الشرايين
و يحاور كل عيون الناس
بالوشم و البودرة
اللى مغطية خدوده
و بصابع الروج
يلون دقات الحزن الناطقة فى عينه
و فى مره يتمرد على ضحكة
ما بتطلعش من القلب
بحلق فى وشوش

بتنط من بين شفايف الناس
يتربع .. يهرب فى جلدى
و يدارى الرعب .. فى صرخة بتسخر م الطرابيش
اللى بتتهز .. و لا تغنيش
و يجمع من حرقته زفير النكتة
تدلق فى الصالة
و تضحك فى الطوب المرصوص حوالين الدائرة
و لأن الدنيا بتتمرجح
بتغير فى الترتيب
لقى نفسه بيضحك
و نافورة فى كل الاتجاهات
بترشرش دمع الصالة
لمح فى عيون اللحظة الوضع المعكوس
شاف كل وشوش الخلق وشوش كرتون
فى الوقت اللى مسك فيه
حثة قماش بينضف بيها
وشه من الألوان

المؤلف فى سطور

* أحمد ابراهيم إبراهيم أبو سمره

- مواليد جبلاية الفار - السويس
- شاعر و مؤلف دراما بأذاعة القناه و مؤلف مسرح و ممثل ومخرج .
- رئيس جمعية رعاية الفنون و الحفاظ على التراث
- عضو نادى الأدب بقصر ثقافة السويس

* طبع للمؤلف

- فى الشعر
- ديوان كلام ع الرف
- إحتراق
- الجنيات و عروسة البحر
- شخصيات من قرية مجهولة
- فى المسرح
- محاكمة مجنون
- مملكة الكلاب
- البرش بيضحك ليه ؟ و مسرحيات أخرى

* تحت الطبع

- ديوان شعري - الشرنقة
- ديوان شعري - أسراب
- مسرحية - سيدنا الغريب
- مسرحية - الجد الأكبر منصور عن رواية الكاتب محمد الراوي
- مسرحية - ماء الحياه
- مسرحية - الرحله
- مسرحية - إنتباه .. للمسرح المدرسى

الفهرس

٧	الإهداء
٩	التقديم
١٧	تصدير
١٩	القسم الأول:
٢١	موت وأضحك
٢٥	البحر
٢٩	عيل صغير
٣١	عيال
٣٥	برقية
٣٧	حلم
٣٩	القدس
٤٣	رقصه
٤٧	شهيد عينك
٤٩	القسم الثاني:
٥١	أم محمود
٥٣	الشيخ حسن العقيلي
٥٥	عبد العظيم محاسب

٥٧ الحاج عبد الجليل نافع
٥٩ محمد أبو سليمان
٦٣ الشيخ عزازى
٦٧ سليمان العبيط
٧١ عم سليم بتاع البوغاشه
٧٥ أبو سيد الحلاق
٨١ زمن العساكر
٨٥ تنويعات على رفُات الوطن
٨٩ بلياتشو

أحمد أبو حسيه
٧٦٧٤٤٠٢٠٠
مجلد (١) - كتاب
نعي

شركة الأمل للطباعة والنشر
(مورافيتلي سابقاً)